


Dama di hero no ta sucumbi ni pa 12.000 firma:

Ministro Wever ta nenga pa garantiza cu e lo no elimina schoolnan catolico



ORANJESTAD(AAN): --

SKOA (Fundacion di Enseñanza Catolico Aruba) y CKA (Centro Catechetico Aruba) a tene un conferencia

di prensa ayera, pa papia di e resultado di e reunion cu e dos organizacionnan tabata tin cu ministro di Enseñanza Mary Wever Diabierna siman pasa.

Manera conoci, SKOA y CKA a entrega Diabierna ultimo un lista di casi 12.000 firma di protesta contra intencion di gobierno pa kita cinco mavo catolico for di den man di SKOA y converti nan den schoolnan gubernamental.

Basa riba e experiencia sumamente malo y negativo cu SKOA tin cu EPB, e fundacion a dicidi pa bringa pa e cinco mavonan aki (Maria College, Filomena College, La Salle College, St. Augustinus College y St. Antonius College) y pa no laga nan bay pa nada.

E reunion di Diabierna no

tabata tin ningun resultado sin embargo.

SKOA y CKA a keda para riba cu nan kier un garantia cu gobierno lo no mishi cu e schoolnan catolico y e ministro a keda para riba cu e no ta duna tal garantia.

Vocero di SKOA pader Rudy Lampe a bisa den e conferencia di prensa di ayera cu e ta lamenta cu 12.000 firma di mayornan catolico y otro ciudadanonan di Aruba no tabata suficiente presion pa hiba e ministro na dicidi pa duna e garantia cu e lo no elimina e schoolnan catolico.

E ultimo speranza di pader Lampe ta cu e firmantenan ministro Lily Beke, parlamentario Glenbert Croes y parlamentario Duke Croes, lo por logra pa haci un diferencia positivo a base di nan peso politico.

E dos fundacionnan cu ta representa Iglesia Catolico den enseñanza na Aruba a ripara cu tin desunion den coalicion AVP/OLA tocante e asunto aki loke ta e motibo tambe cu SKOA y CKA a dicidi pa asumi nan responsabilidad y abstene di tur accion cu lo por aumenta e clima di tension cu ta reina den gobierno.

Di e forma aki, SKOA y CKA ta coopera pa duna gobierno tempo y espacio pa find out kico e realmente kier pa cu futuro di enseñanza catolico na Aruba.

E fundacionnan ta spera cu gobierno lo yega na claridad pronto, en todo caso prome cu nan bolbe sinta na mesa cu e ministro otro siman Diamars 24 di November.

SKOA y CKA ta kere den dialogo y kier dialoga cu gobierno pero no bao menaza, mescos nan ta sostene inovacion den enseñanza pero no a costa di schoolnan catolico.

Pader Lampe a muestra ayera cu e ideanan di gobierno pa elimina schoolnan catolico no ta di awor, sino ta data di aña 1996.

SKOA a protesta desde inicio ma no a haya oido nunca y a wordo obliga pa participa den un directiva di school cristian general si e no tabata kier a stroba inovacion

den enseñanza.

E contesta di gobierno riba protestanan di SKOA tabata semper cu gobierno no ta dispuesto pa discuti tocante e principio di "schaalvergroting", esta, cu ta elimina schoolnan chikito mas tanto posible y ta crea schoolnan grandi.

E ultimo ehempel di schaalvergroting na Aruba ta EPB cu a come e lts-, etao- y huishoudschoolnan y a forma un solo school.

Cu gobierno tin e intencion pa elimina e mavonan catolico no kier meen cu religion en general lo wordo hala un banda totalmente na schoolnan secundario di Aruba.

Religion lo sigui parece na schoolnan numa como les, manera ta socede actualmente na EPB caminda alumnonan ta haya les di godsdienst y "levensbeschouwing" (filosofia di bida).

Sin embargo, asina pader Lampe ta bisa, identidad catolico ta encera mucho mas y no por wordo reduci pa un ora di les di godsdienst pa siman.

Identidad catolico di un school ta wordo carga pa valornan fundamental di cristianismo y ta reflesha den e actitud di e maestronan, e participacion di e mayornan y mas cu tur den e atencion cu tin pa e muchanan.

Na un school catolico, e muchanan ta para central mescos cu nan ta para central pa Hesus.


Pader Lampe ta bisa cu e hecho cu nos comunidad ta pasando den temponan dificil (norma- y valornan cu a cambia, individualismo y materialismo, aumento di criminalidad, et cetera), no kier meen cu cristianismo no ta sirbi.

Lo contrario, e mensahe di Hesus tey y e tin e mes valor cu e tabata tin semper y den opinion di pader Lampe, e 12.000 hendenan cu a firma a muestra cu tin "algo" masha bondadoso ta reina den nos Pueblo.

Fotonan: pader Lampe, souer Juliette durante e conferencia di prensa di ayera.

LA FAMA

tin Comcomber chiquito verde verde y mas barata cu tur Supermercadonan y competencia calidad in comperable, y Yambo rubiano estrella, pa mas informacion yama Tel:821354 y 823048.



AUTO SALES!

Parkieten Bos # 14-A Tel: 851954 - 852052 Fax: 852052



Ford Probe GT 1995, std, a/c, PW, PL, PS, black, Original chrome wheels(16) CD Player dual airbag



Chevy S-10 1993 Pick-up K-Cab std, a/c, V-6, 2.8 liter, bedliner, Red

- Ford Ranger XLT 1994 Pick-up std, a/c, 4 Cyl., white, bedliner
- Ford Ranger XLT Pick-up 1994 K-Cab, std, a/c, V-6, 4.0 liter, black, bedliner
- Chevrolet Cavalier Z-24 1993 autom., full eq., V-6, 3.1 liter, Red
- Ford Explorer XLT 1993 2 drs, autom., full eq., 4x4 burgundi



GMC Pick-up 1994 K-Cab, std, a/c, V-6, 4.3 lt, PW, PL, bedliner. Black



Mazda RX7 GXL 1990 std, a/c, PW, PL, PS, sunroof. Red

Financiamento posibel

Pa e miho autonon, nos prijsnan ta unico

TELEFONNAN DI DIARIO
826747- FAX 828551